

# 港廢紙續北上 避免廢紙圍城

## 兩地達成協議准指定紙廠接收 直至港紙漿廠落成啓用

本港超過九成廢紙都是出口到內地，但內地昨日元旦開始禁止進口固體廢物，包括不准廢紙進口，一度令回收業界擔心本港廢紙將無處容身。據了解，香港特區政府與內地有關部門已達成協議，容許本地回收廢紙的政府承辦商暫時可以繼續將廢紙出口到內地指定紙廠接收，直至本港的紙漿廠落成啟用，避免了廢紙圍城問題。

●香港文匯報記者 文森

香港每年約生產160萬至170萬公噸的廢紙，而大部分廢紙也是經回收商收集後運往內地再造。2017年起，內地分階段對進口的「境外垃圾」實施改革方案，今年更徹底禁止所有固體垃圾入口，而本港包括廢紙等垃圾也被界定為「境外垃圾」受禁令影響。

昨日，市面不少廢品回收公司都因假期未有營業，但亦有回收店開門。有回收店員坦言，若廢紙未能運往內地，就不會再收廢紙。有回收店東主則希望盡早有確切通知，但擔心萬一內地不接收本地廢紙，其店內的紙皮不知可以運到哪裏。

### 政府屯門地招標建紙漿廠

香港文匯報本周一(12月28日)刊登專文探討了多個解決方案，有回收業界擔憂本港將廢紙圍城，認為將廢紙加工為紙漿成為「原材料」進口內地，是其中一個解決辦法。事實上，政府2018年底已批出屯門環保園近兩公頃用地予一間公司建設造紙廠，惟傳出該公司因成本過高決定退標，政府因此會重新招標改為設立紙漿廠。

回收業界最新消息指，內地暫時願意作出特別安排，容許香港環保署承辦商的廢紙可能繼續進口內地，在本港的紙漿廠落成即2024年前的過渡期內，由廣東省四間大型回收再造紙廠，包括玖龍紙業、理文造紙、華泰紙業、廣紙集團接收本港的廢紙，目前正敲定貿易細節。

香港日前有17間承辦商有資格將廢紙運往內地，他們與環保署簽訂合約，在政府補貼下以每公斤不低於7角的價錢向前線回收廢紙。

### 環保界：本地回收業「救命草」

有環保界人士認為，有關措施是本地回收業的「救命草」，暫可解除廢紙圍城危機，但內地長遠仍會完全拒收，本港有需要落實興建紙漿廠，減少本地回收業依賴出口市場。最近發現回收紙淋水問題故態復萌，認為環保署須做好監督，否則日後出現質量問題遭其他地區拒收便咎由自取。有廢紙回收商則擔心內地政策仍然

有變數，正積極聯絡東南亞廠商接收廢紙，而業界相信疫情下歐美廢紙運往東南亞的運費會大幅漲價，令運輸成本較低的本港廢紙，價格上重拾競爭力，變得有利可圖。

環保署指出，一直與國家生態環境部及相關部委保持溝通，了解及掌握最新政策和措施。為讓本地廢紙有更多元化出路，環保署協助本地廢紙業界開拓其他出口市場，而政府亦計劃在屯門環保園招標設立現代化紙漿生產設施，預計2021年上半年招標，紙漿生產設施於2024年或之前開始運作。



●香港文匯報本周一(12月28日)刊登專文探討了多個解決方案。

# 王進洋鬧「同路」垃圾掀罵戰



攪炒派區議員早前大鑼大鼓要搞所謂「香港公民議政平台」，最終係佢哋互相爭拗嘅聲音中流產，仲愈揭愈多內訌情節。離島區議員王進洋前日嘅facebook大鬧支持解散呢個「平台」嘅自己友係垃圾，又話佢哋向支持者嘅道歉「唔代表我」，「平台」籌委之一、離島區議員梁國豪就踩場開拖，然後另一個「平台」籌委、葵青區議會副主席張文龍亦忍唔住加把嘴，話王進洋唔鍾意就應該退出籌委會，仲踢爆佢成日唔開會。王進洋就發嗱氣話：「你怪囉咪。」其實，大家都係靠黑暴上位嘅攪炒分子，點都應該留啲薄面畀「同路人」嘅。

攪炒派中嘅「抗爭派」早前宣布解散「平台」嗰陣，將所有責任卸晒畀「傳統飯民」，話佢哋唔溝通又唔合作。有傳媒引述消息稱，民主黨同公民黨實際上限制黨員參與呢個平台。

民主黨區議員李偉峰其後出帖反駁：「作為一個民主黨成員，無收過任何一個民主黨人叫我加/唔加入平台！唔通民主黨已經踢(踢)咗我走？(咁要唔要CUT上繳)。」

但仲話「地區上一直跨黨派合作做區+議政，有議題夾到，夾唔到都會出聲，就係咁簡單」，仲嘍咗度標註「邊個出聲就係邊個搞分化」嚟爭班「抗爭派」。

「抗爭派」中人、王進洋亦出帖大鬧呢班自己友係「垃圾」，仲表明：「我講明先，我係有份決定議政平台要照攞(搞)。大是大非下，DQ咪DQ囉，無×左(咗)個議席又點，無左(咗)『泛民』自己唔攞(搞)得？今(前)日嘅道歉，唔代表我。」

### 張文龍踢爆王進洋成日唔開會

張文龍其後就踩入王進洋fb page

開拖，稱自己「好少可指責人」，但今次「無奈地必須講」王進洋「最有資格」講「唔代表我」，事關佢經常唔嚟開會，有盡力避免呢件事發生。

王進洋深深不忿咁反問：「我黎(嘍)開會可以避免啲咩？」又話自己一開始已經唔想參加呢個「平台」，只係睇唔過自己友將搞成「平台」嘅責任推畀「飯民」，同開會完全無關，叫張文龍「唔好扯開啲野(嘢)黎(嘍)講。」

點知張文龍死咬不放，踢爆王進洋多次缺席籌備會議，仲話對方：「講真，如果你今晚決定唔去馬路即刻退籌委，我真係唔會怪你講呢番話的。」王進洋最後就發嗱氣：「你怪囉咪，我一直都唔係×緊你，你中(鍾)意攞上身嘅悉隨尊便。」

張文龍踩人嘅時候亦不忘為自己戴高帽，話就算結果同佢本身期望嘅「完全相反」，但都會對集體決定負責。言下之意，莫非佢都好不



●王進洋爆相關自己友係垃圾，結果俾張文龍踩場開拖。

### 王進洋fb截圖

滿呢個「平台」嘅其他籌委？其實，大家早都見慣攪炒派為自己利益而互相攻訐嘅場面，只係情況由傳統「飯民」對壘激進攪炒派，變咗激進攪炒分子互相拆台，唔知佢哋今日仲講唔講得出當初嘅「齊上齊落」呢？

●香港文匯報記者 雨航

# 林鄭月娥：平衡保育經濟發展

香港文匯報訊(記者 倪思言)行政長官林鄭月娥在社交媒體上發布短片，大談文物保育及香港住屋的議題。林鄭月娥提到，近日有市民在深水埗主教山發現有水務署舊建築，並強調政府會盡力保護建築群，同時平衡保育及經濟發展的工作。

### 陳智思讚推動活化歷史建築

林鄭月娥在視頻中與行政會議非官守議員召集人陳智思在短片談到文物保育議題的問題。在皇后碼頭保育一事上，時任發展局局長林鄭月娥與示威者對話，陳智思表示對此至今仍印象深刻，並指林鄭月娥當時處理了法定古蹟及歷史建築物的評級機制，及推動活化歷史建築。林鄭月娥表示，清拆皇后碼頭一事令她知道，新一代的青年希望透過歷史文物與城市建立更緊密的認同感。

陳智思續指，個人最深刻的保育計劃是「大館」項目。他指當時在林鄭月娥的推動下，成功邀請馬會斥資活化「大館」的建築群。林鄭月娥則回應說，「大館」於聯合國教科文組織亞太區獲獎，亦成為市民喜歡流連的地方。她認為為古舊建築注入新生命能予市民享用同時，城市亦會變得更優質。

### 港須填海建屋 冀社會勿爭拗

談到香港的住屋問題，林鄭月娥表示，今屆政府會拚全力覓地起屋，並提到早前特區政府公布未來10年長策中，已覓得330公頃土地，預計興建約31萬個公營單位，以滿足香港的住屋需求。她直言，為配合未來的發展，香港須依賴填海建屋。東涌新市鎮填海項目就採用了新填海技術，由開始填海，到交付部分土地予房委會建屋，歷時僅兩年多，希望社會不要爭拗。

陳智思認同香港一直以填海方式發展新區，對有聲音要求政府發展郊野公園用地，他擔心會造成無止境的開發，又形容郊野公園是香港的「寶庫」，會造成很大損失。林鄭月娥則指，發展郊野公園的時間和填海一樣長久和困難，而且當中涉及郊野公園條例、城規程序等，但強調會盡量壓縮填地建屋的時間。

# 十大創科新聞接受公眾網投

香港文匯報訊(記者 高鈺)科學與生活其實息息相關，為增加市民對香港院校科研成果的認知，京港學術交流中心主辦「2020年度香港十大創科新聞」評選活動。候選新聞取材於去年1月至12月，全屬獲傳媒報道兼具創新意義的創科新聞，各項新聞將在京港學術交流中心官方網站www.bhkaec.org.hk刊登，由昨日起接受公眾網上投票，截止日期為本月6日；每人可選取十則，每人限投一次。結果將於京港學術交流中心網站公布。

去年，香港承受四波疫情衝擊，院校積極投入抗疫，香港大學、香港科技大學、香港理工大學研發的快速檢測法，可應用於支援全球對抗新冠病毒和拯救人類生命；香港城市大學研製的石墨烯口罩、香港大學學生團隊的納米纖維口罩、香港科技大學超薄超強納米薄膜等戰疫武器，帶來抗疫口罩的革新。

除了抗疫相關的科技突破外，本院院校在其他範疇亦有亮眼成績，包括埋大研製儀器伴隨「嫦娥五號」成功登月採樣並返抵地球，是港人參與國家航天事業的里程碑；科大學者破解三千米「海洋穿山甲」基因密碼、香港中文大學運用內鏡機械人醫治早期大腸癌、科大和城大診治腦退化症的新發現，都是醫學研究的突破。

此外，科大研發的全球首款3D人造眼，影像清晰是人眼的三倍；中大大規模檢測母嬰腸道菌，用現代科技驗證「三歲定八十」古老智慧，顯示善用科技可以改進生活、造福人類。

# 「光時」認衰求「箍煲」 「黃絲」睇淡無人理



自稱為「良心」網購平台嘅「光時」，早前被踢爆有主管肥上瘦下，每個月出糧袋十萬蚊不特止，仲有幾個部門主管一齊同流合污，令一班「手足」無得接受培訓之餘，又無工開。「光時」當時就激到一班「黃絲」發起罷買行動，仲鬧爆佢食人血饅頭。可能見自己無咗一班「黃絲」科水，生意愈嚟愈差，「光時」發起人嘅日就嘅討論區發表題為「光時於2021年重新出發，重拾初衷！」嘅文章，試圖返返班「黃絲」繼續撐自己，但效果就充分展現出乜嘢叫自取其辱。

### 舊人肥上瘦下 稱已換管理層

自稱係「光時」發起人嘅網民「兜風去吹風」嘅日就嘅連發出post，話要向所有「同路人」致歉，令大家對「光時」失望。佢話經過兩個月嘅時間，已經將

●「光時」發起人聯討論區出聲明道歉

問題解決，新管理層會更加公開透明，會畀大家知道佢哋經營情況同幫到幾多「同路人」。佢亦聲稱，新管理層「初心無變，會堅持到底」，仲口響響話「慳自己、唔慳手足」、「資源永遠先留比(畀)手足」。

### 網民睇穿呢課金圖謀

「Haul-away」就話「我幫襯其他『黃店』好過，『光時』永不再用。」「西灣河屠夫」話「出呢個post都係想大家貨(課)金，可能之前出糧已經使曬(晒)筆錢。」「五毛pr狗有限公司」話「成個黃色都係水魚圍啦。」

睇返「光時」發起人一年前話要建立生活購物平台，令社運自給自足，當時大量「黃絲」留言力撐，話個個月都會幫襯，聲勢浩大。點諗到一年後「光時」落得如斯下場，真係再一次話界大家知，所謂「黃色經濟圈」，真係一個笑話。

●香港文匯報記者 倪思言

# 「庇暴教會」傳道人員互「割席」



好鄰舍北區教會早前就被踢爆隱瞞1,800萬捐款，該教會傳道人陳凱興夫婦仲立即同教會員工「割席」，自己一早離開香港去咗英國，留低佢哋度幫自己執爛攤。唔知黃圈係咪「割」開有條線，鍾意我「割」下你，你又「割」下我，所以教會有20名員工決定發起總辭「割」返陳凱興轉頭。

### 教會聲明被批抹黑離職者

該教會20名員工早前發表聲明批評陳凱興，直言「望能以正視聽，令公眾對教會以至陳先生有更多的了解」，仲話因為受保密協議所限，未能透露太多細節。該會一位前幹事X接受媒體訪問時就話「教會見到有員工被捕，但就只認點樣籌款，實在令人氣憤」，其中一位總辭聲明發起人更加話「而(嘍)家已經唔會選擇相信陳凱興」。

面對教會事後嘅facebook發嘅聲明，

●好鄰舍北區教會發表「教會人事變動」聲明

話會「寬鬆酌情處理」前員工嘅勞資雙方安排。發言人Y就話，教會嘅聲明會令到公眾覺得佢哋大難臨頭各自飛、無義氣，佢表示十分唔認同，又話教會聲明中提到會提供法律支援，但其實都只係打昇「612人道支援基金」，事後再昇多一兩個律師電話咋。

由陳凱興走佬去英國，到教會20名員工總辭，去到最近教會再發聲明，成件事真係錯綜複雜。網民「我唔係黃子手」就話「教會又割，『黃絲』又割，呢班前同事唔係傻，到底咁吃力不討好為乜。先係被僱主背叛，再黎(嘍)俾『黃絲』批鬥做五毛，到底呢班青少年幹事得罪左(咗)邊個？」

「30天可改名2次」就話「如果陳凱興其心不正或者作過假見證的，願耶和華重重懲罰佢！」「天然受遇上腹黑家」亦指「依(嘍)家係左(咗)陳凱興」。

陳凱興係咪夾帶私心，有待警方調查。不過，佢哋三方「割」嚟「割」去之下，據知好鄰舍北區教會只係淨返5名員工，唔知佢哋會唔會又要求「手足」捐錢畀佢哋「渡過難關」呢？

●香港文匯報記者 倪思言